

陳 布 雷  
回 憶 錄



天行出版社印行

陳布雷回憶錄

陳布雷回憶錄

定價港幣二元五角

著者：陳布雷

出版者：天行出版社

香港九龍沙福道五號  
電話：八二一五七〇

發行者：吳興記書報發行社

利源東街二十六號二樓  
電話：二三一七二

承印者：田風印刷廠

香港高士打道二二一號  
電話：七七〇七四五

公元一九六二年十月出版



者作  
(年七卅國民於攝)

民國政府軍事委員會用牋

布雷吾先平誕辰

寧靜致遠

澹泊明志

蔣中正敬書

民國政府軍事委員會用牋

布雷星先此時

堂以祝敬特書

聯語以贈是表

白慕之意也收頌

時社

中正敬呈


三月廿一日

委座祝辭手書



代時長廳教浙

樹室篁 心石劉 達士沈 鈞振程 江靜張 雷布陳 明世朱 禮文鄭 來慈徐 左至右自



行之平北


群張 倫家羅 禮同素 雷布陳 寬紹陳



雲南之巡

前右第二起 周鍾嶽 龔自馨 龍雲 蔣委員長 陳布雷 丁冠 陸子安 胡璠 鄒嘉銘 袁佑





侍從室時代

自右至左 蔣自誠 於平遠 陳布雷 崇室濬 古兆鶴 雷舉賢 汪日齋 李惟果 俞國華



士女繁光王夫人陳 雷布陳 者生排前  
 礎女二 達子幼過吧二 務女長 譽世王 總長 蓮子長 過吧三 透兒六 滿兒五 左至右自前立後

門一氏陳

## 前記

先夫子布雷先生逝世，迄今將兩月矣。人天永隔，欲語無從。茲值回憶錄付梓之日，余重讀此三十年來，憂患備嘗，甘苦與共之生活記叙，中心懷感，不能自已！

先夫子一生，誠可謂歷盡艱辛。年十六而失恃，二十五而失怙，此一大家庭之重任，乃落於一身，時弟妹衆多，皆未成立，宗族鄉黨諸事，俱待規劃、繼理。先夫子乃辭去教職，一意家居，日常瑣細，無不躬親料理。蓋以此爲自身責任所在，不容趨避，雖因此犧牲一己之精力事業，亦無所惜。其服務於新聞界及政界，此種強烈執着之責任觀念，始終爲其思慮決斷之中心。而其健康之所以未能及時挽回，終至日趨衰病，此實亦原因之一也。

先夫子體質素弱，髫齡時即患頭痛。回憶錄中，於歷年健康狀況，亦多所記載。惟於日常交往，終不願以病態流露，故雖至親好友，亦多不知其體力衰弱。壯年服務報界，日夜辛勞，神經衰弱之症，乃益加深。尤以抗戰期間，留渝八載，工作緊張，生活困苦，身體更感不支。勝利後親友有知其衰老者，多勸暫作休養，以期恢復健康。余亦百方譬解，勸以報國之日方長，務以自身健康爲意。近兩年來，先夫子雖亦於政務稍暇時，或乞假休息，多則一月，少或一週，但身雖居家休憩，不數日而心中又念念不忘於京中待理各事。且以國家多難，奈何自身偷閒爲責，實從未能達到恢復健康之目的。

先夫子一介書生，從政本非素願，且以生性不近，時作擺脫之想，故先期歷任政府職務，僅自賃旅舍以居，從不携眷，蓋每以爲不數月即可辭歸也。及中日戰起，感於國多艱難，正需羣策羣力，凡能有所効命，固當萬死不辭，此時告退何異放棄責任；譬如舟行逆流，胡敢輕棄帆楫？乃憑除他想，一意任事。至抗戰勝利，大敵雖除，而國人醉生夢死者多，因循苟安，不知利用此千載一時之機會，以圖國家民族前途之光明。先夫子觸目傷心，中心抑鬱，不能自解。加以體力日衰，報國無從，乃時時引咎自責，嘗謂人生誰不樂生，但如體力精神已不堪工作，徒耗國力，愧對民衆，生不如死，故遺書中，力勸友朋及時努力國事，勿使老大傷悲。是以先夫子之死決不是僅爲一人、爲一事之刺激率爾輕生，蓋其志在以一死勵大衆也。其日記函札，間亦隱約流露此意，他日付印問世，其志當可大白。先夫子常謂：一待國家太平無事，即當擺脫政務，重回新聞記者之崗位，專以文章報國。不料國事螭蟻，日復一日，先夫子爲責任心所驅使，明知健康情形已不勝任，祇得勉力爲之，終至心力交瘁死而後已，素志迄未得償，悲夫！

先夫子五十初度之日，蔣先生曾書「淡泊明志寧靜致遠」八字以贈。此雖諸葛武侯之名言，先夫子自云：蔣先生貽此八字，可謂知其最深。蓋淡泊爲其立身之根本，寧靜爲其處世之中心；淡泊則所以能與世無爭，寧靜則所以能堅忍不拔。余與先夫子朝夕相共者三十年，此種性格知之最深，先夫子在日，訓示子女恆以「正直平凡」四字相勉，謂能守正直，

則不致爲環境所左右；能甘平凡，方可透澈了解自身之能力志趣，以謀對國家社會作適當之貢獻。世人綜論先夫子一生，多以事業文章相推許，不知先夫子自謂對國家不過能盡力，於文章不過盡心，其縈繞中心朝夕與求者，乃在此精神一念；以爲人生百年，當謀如何發揮生命最大之能力，以無負天賦各人之神聖責任。此責任固不論大小輕重，但期能精誠專注，全力以赴，貫徹始終，即可不負人生真義矣。

今年夏季，先夫子體弱過度，養疴廬山，一日小坐閒談，道及近來健康情形，偶謂「先妣謝世之日，年三十九；先考見背，則四十九。吾今年五十九，較先人之壽已長矣。」不料當時無意一言，竟成讖語，今日思之，悲痛曷已！

回憶錄爲先夫子所自撰，於二十八年夏續成於重慶郊外之老鷹岩寓邸，自出生至五十歲止，所記爲個人求學及工作經歷，兼及家庭各事，特爲檢出先行付刊，至於五十歲後所記，以及論文書札小品等作，亦正整理蒐集中，一俟有成，即當陸續付梓，使人雖永逝，而精神文章得以長留人間，供人憶念，則平生之願足矣。

三十八年一月十一日未亡人陳王允默謹識於上海寓所

回憶錄  
(一)

清光緒十六年庚寅（一八九〇） 一歲

十一月十五日亥時生。

光緒十七年辛卯（一八九一） 二歲

正月 嗣母應孺人逝世。

光緒十八年壬辰（一八九二） 三歲

六月 三弟訓懋（字勉甫）生。是年夏大水。

光緒十九年癸巳（一八九三） 四歲

九月 五妹生。

夏患痰厥，昏迷不省事者半日，女傭方氏調護甚至，及長猶髣髴憶之。

光緒二十年甲午（一八九四） 五歲

先考授余識方塊字，至年終每日能識三十字。是年大姪孟扶生，余據短几吃糖麵，樂

甚。

光緒二十一年乙未（一八九五） 六歲

正月隨伯母至祝家渡，奉父命拜袁莘畊先生爲從業師。

從大哥讀書，誦毛詩。

大哥是年家居讀書，以老屋西之倉屋爲書室，即所謂新屋者是也。先父命余從之讀，同學者袁耕先表兄，伯母之姨甥也。每晨挾書包入學，午後四五時退，書室之前楹懸治家格言，以是爲先師孔子之位，出入必行禮焉。大哥撫愛倍至，從學一年，未賞責扑，即呵斥亦不加。

六月 六妹生。

是年初冬，從母居外家旬日，挾毛詩自隨，每日請大舅父授新書一章。

光緒二十二年丙申（一八九六） 七歲

是年以大哥不常家居，先考親授予讀，誦毛詩及爾雅。

苦爾雅難讀，請於先考，願易他書，先考命之曰：「此書非幼時先讀不可，汝長自知之。」先考承先大父遺志，經紀里中自治公益教育慈善諸事，族中長老，常過予家，即就書室。



與先考談，先考必命輟讀侍坐，且教以進退應對之儀。

光緒二十三年丁酉（一八九七） 八歲

從族父小坨先生讀，讀禮記。

是年先考延族父小坨先生館予家，以祖堂東屋樓下爲書室，同學者族兄和齡（小坨先生子）餘麟諸人，三弟亦於是年上學。

八月 七妹生。

斯時余家兄弟姊妹六七人，居室偃仄，人口衆多，且須具館師膳，皆先母躬親料理之，乳媪二人以外，僅竈下婢一人，以是先母體日衰，顧於予等督教備至，夜輟讀歸，先母坐燈下治縫紉，必命余旁坐讀書，先伯母則每夕過余家，與先母談家常，伯母嗜水烟，每至，余姊及余兄弟奉茶烟甚勤，伯母撫愛甚至，一室融融，必至戌初始歸寢，所常坐起者，即爲祖堂西之一室。

光緒二十四年戊戌（一八九八） 九歲

從徐二沆（爾康）先生讀。同學者三姊四姊及三弟，書室移設於東樓上，樓下則吾父居之。徐先生爲吾邑南鄉人（其所居曰官路沿），與先考爲同學，以小坨伯父老病，先考乃延